

Хө үвләр хургълуллгънд белдвриг чанъгъахмн

Черноземельск района „Черноземельский“ совхоз хө үвләр хургълуллгънд эн джил шин эклдж белдврн кӧдлмш кеджәнә. Эн керг нк олзта, кергтәгъинь хӧбчрин икнъкнъ ода иткджәнә.

Хӧбнд кӧг тәвхд дамшлтта улсин болн малин эмчрин гардвр авч, июль сарин 15-с авн эклдж, хӧбнд искусствени кӧг тәвгдджәнә. Сентябрь сарин 10 кӧртл 3560 хӧбнд кӧг тәвгдв.

Малд дулан цевр-цев хаша-хаац, элвгәр шимтә сән хот белддж авхла үвләр хӧ хургълуллгъна кӧдлмш сән кӧцлтә болх зӧвтә.

Эн төрмӧдәр совхоз ямаран бәәдв?

Хӧн болгънд 2,2 центнер ӧвсн белдгдв. Малин үвлзнь-гӧр ӧвс зӧблгънә кӧдлмш икар чанъгърджана. 13000 центнер ӧвсн хӧн үвлзх газрур зӧбгдчкв, ӧвс зӧблгънд 9 трактор кӧдлджәнә.

Үвләр хӧ хургълуллгънд ганцхн ӧвс белдлгън кӧцлт биш. Багъ гихдән 500 тонн гуйр-буудә хот кергтә. Эн хотнъ ода чигн белдгдәд уга.

Гуйр-буудә хот хәәдж, олдж белдлгъяр совхозин директор ӧр Огрызкин боли парторганизацин сегләтр ӧр Ермоленко хойр ода деерән кӧр-кӧундврәс онъгдан төр кӧцәджәхш.

Үвләр хӧ хургълулхд дулан хаша-хаац нк чинртә болх мӧн. Зуг эн тоотар совхоз цань уга тату-таргтта. Кергтә 42 кошарас белн бәәхнъ—25 кошар.

Совхозд дулан хаша-хаац тосхлтин кӧдлмш кӧцш уга әәмшгтә бәәдл үзулсн учрар, райкомпарть боли района кӧцәгч комитет июнь сард района тавн МЖС-н механизатормудин чидләр, совхозд дулан хаша-хаац бәрхмн гих шиидвр гаргъла. МЖС болгън 3-д дулан хаша бәрх зӧвтә билә. Терүнәс онъгдан, района центрин коммунистир боли комсомольцир нег дулан хаша ӧнвгәр бәрдж ӧгх болла. Бас нег дулан хаша тосхнавдн гидж совхозин кӧчкӧлсчир боли цергләчир даалгъвравла.

Эн зунин дунд цуг бийнъ 17 дулан хаша совхозд тосхлхмн билә. Сентябрь сарин 10 кӧртл дулан 5 хаша бәргддж дуусгдв. Ода чигн тосхгда бәәхнъ—10, эклдж тосхг-

лад угань—2 хаша. Района центрин коммунистир боли комсомольцир, Полевой МЖС-н механизатормуд (директорнъ ӧр Деев, парторганизацин сегләтрнъ ӧр Криволапов) тӧрӧн болдж дулан хаша тосхлгъ дуусдж, даалгъвран кӧцәцхәв.

Артезианск боли Прудовск МЖС (гардачирнъ ӧр Зубченко боли ӧр Звягинцев) дулан хаша совхозд тосгъх болдж авсн даалгъвран кӧцәджәхш. Залгълду дулан хойр хаша Артезианск МЖС экләд му биш кедж йовла, август сард тосхлтин кӧдлмш эс кердсн учрар, кезәнә дуусдж оркх бийнъ, ода чигн чиләгъәд уга.

Дулан хаша-хаацин тосхлтин кӧдлмшән Артезианск МЖС чанъгъасн болхла, август сарин дунд даалгъвран бӧкклнъ кӧцәчкх бәәсмн. Зуг эн МЖС-н директор ӧр Зубченко, парторганизацин сегләтр ӧр Кутыгин тосхлтин кӧдлмшиг эврә төр гидж эс тоолсн учрар ним йовдл гарчана.

Прудовск МЖС-н тӧрӧн эклдж тосхсн нег дулан хаша ода чигн дуусглад уга: дееврнъ бӧркгдәд уга. Тосхлтин наадк кӧдлмшмӧднъ кезәнә чиллә, хулснъ бӧкклдән зӧбгдв. Эн хаша тосхлгъинг гӧдждрӧлдж, эрт дуусх кергтә гидж МЖС-н директор ӧр Звягинцев боли парторганизацин сегләтр ӧр Унгунов нам ухалджах бәәдл уга. Тосхлтин кӧдлмшнъ экләд уга, хойр дулан хашагъән кезә эклдж кехәр бәәнәт?—гидж эднәс сурдж болхмн.

Дулан хаша-хаац совхозд тосхлгъна төр Артезианск боли Прудовск МЖС-н директормудин боли парторганизацин сегләтрмӧдн (ӧӧрмӧд Зубченко, Кутыгин, Звягинцев боли Унгунов) даагч шишлнъ төр гидж эдн медх зӧвтә. Эн төр эс кӧцхлә, 1958 джилин февраль-март сармудт хӧбнә үвлин хургъллгъ кӧцәдж болшго.

Сентябрь сард дулан хаша-хаацин тосхлт мана района цуг МЖС-ӧд кедж, кӧцәдж, совхозин хӧбчирт ӧгч, хӧбнә үвлин хургъллгъ кӧцәхднъ үзмджтә дӧнъ болдж чадхмн.

В. ХАДЕЕВ,
КПСС-н Черноземельск райкомин сегләтр.